

"DIE BLINKKLIPPIE"

WEEKLIKSE NUUSBRIEF VAN GEREFORMEERDE KERK POSTMASBURG

(Jaargang 19 - nr. 50.)



"Die Woord het mens geword en onder ons kom woon. Ons het sy heerlijkheid gesien, die heerlijkheid wat Hy as die enigste Seun van die Vader het, vol genade en waarheid."

Johannes 1:14

15 Desember 2019 (9h30)

16 Desember 2019 (Geloftedag) (9h30)

HARTLIK WELKOM!

Dit is waarlik 'n voorreg om weer vanoggend as gemeente saam die Here te kan dien.

EREDIENS VANOGGEND: Dr. Petrus Venter EREDIENS GELOFTEDAG: Dr. Petrus Venter

Voorsang :

Ps. 89 :6,8

Ontmoetingsdiens:

Votum en seën

Sing: Ps. 103:1,10

Belydenis van geloof

Verootmoediging- en versoeningsdiens:

Wet

Sing: Ps.40:6

Gebed

Woorddiens:

Sing: Ps. 68:12

Skriflesing: Openbaring 5

Teks: Openbaring 5:2b, 5,6

Preektema:

Wie is waardig om die boek oop te maak?!

Antwoorddiens:

Liefdesdiens kollekte: In die banke- DVB

By die deure- Sustentasië (klassis)

Sing: Sb. 5-3 (8): 1,2

Wegstuurseën

Preekskets

As ons by Op.5 uitkom, kom ons by Christus uit. Openbaring 5 verkondig aan ons Christus en sal daar niks kan gebeur sonder Christus nie. Eerstens is hier sprake van 'n boekrol met baie geskrif, binne en buite vol geskrif, maar dis verseël. Wie sal hierdie boekrol kan oopmaak, kan lees, maar dan moet sy seëls gebreek word. Tweedens word Christus gesien as 'n Leeu maar hierdie Leeu was eers 'n Lam, soos 'n Lam wat geslag is. Wat sê dit vir ons? In die laaste plek word hier weer gesing, maar nou 'n nuwe lied, met nuwe klank. Wat sal dit dan kan beteken?

GELOFTEDAG- 16 Des. 2019 om 9h30

Skriflesing: Deuteronomium 17:14-20;

1 Konings 10:14-11:13

Teks: Deuteronomium 17:16-18;

1 Konings 10:28-29

Sing- Ps.48:5; Ps.33:9,11; Ps. 118:9

Preektema: Wat maak die perde daar?!

Die pad vir die nuwe koning het drie dinge beteken- werk reg met jou perde, die vroue en die boek en daar sal vir jou dae in God se koninkryk oopgaan waarop niemand kon reken nie.

Hoor u die Here vra- daardie perd by jou huis, is dit nie 'n perd wat lyk of hy uit Egipte kom nie, en daar is nou-al baie perde ...!

KOLLEKTES

Vandag: 15 Desember 2019

In die banke: **Diens van barmhartigheid**

By die deure: **Sustentasië Klassis**

Sondag: 22 Desember 2019

- In die banke: **Diens van barmhartigheid**

By die deure: **Bybel Verspreiding**

WYK - DIENSBEURT

Vandag – 15 Desember 2019 – **Wyk 4**

- **Ouderling:** Br. Albertus Viljoen
- **Diaken:** Br. Ferdie Nel
- **Wyksusters:** Sr. Louise Viljoen

Volgende week – 22 Desember 2019 - **Wyk 5**

- **Ouderling:** Br. Vakant
- **Diaken:** Br. Dawie Schoeman
- **Wyksusters:** Sr. Estea du Plessis
-

MEELEWING

- Ons dink in ons gebede aan sr. Marie Fourie wat aanvanklik hierdie week weer baie swaar tyd moes deurgaen. Later die week het dit weer beter gelyk. Sy is tans by die huis. Ons dink in besonder aan haar, br. Bertie, sr. Koos en familie in swaar tyd.
- Ons is dankbaar om te verneem dat die operasie wat br. Johan Viljoen aan sy heup moes ondergaan geseënd afgegaan het en hy weer Donderdag kon terugkeer huis toe. Ons vertrou dat dit heeltemal geslaagd mag wees.
- Ons dink aan sr. Annelie Williams wat haar rug vir haar met tye baie pyn veroorsaak. Ons vertrou dat die mate van beterskap bestendig mag wees.
- Ons wil in hierdie tyd van uitermate droogte en swaar toestande vir ons boere op die plase wat knellend op gesinne en families inwerk van ons voorbidding verseker. Mag die Here wat alleen die uitkoms kan gee ons genadig wees.

VERJAARSDAE

Sondag	15 Des	Sr. Daleen Erasmus
Woensdag	18 Des	Jngbr. Willem Snyman
Vrydag	20 Des	Sr. Maryna vd Merwe

Mag u 'n geseënde nuwe lewensjaar ingaan met die volle oortuiging dat ons tye is in die Here se hande.

GROENWATER-NUUS

Ons bedieningshulp in Groenwater het in die laaste maande weer kon hervat. Daar bly uitdagings maar ons vertrou in dit wat reeds hanteer is en aangespreek kon word, daar wel daarop voortgebou kan word. Daar is vandag ook weer 'n erediens.

ALGEMENE KERKNUUS

GKSA NUUSBROKKIES

Gaan laai gerus nuusbrokkies van ons webwerf af. Die jongste beroepenuus en vele meer is daarop beskikbaar soos weekliks aan ons deurgestuur. U kan dit van ons webwerf aflaai by: <http://bit.ly/2SxThy0>

BEROEPE ONTVANG: Proponent R Boersema (Reinhart) na GK Vryburg

BEROEPE AANVAAR: Proponent DH Verryn (Hendrik) na GK Potchefstroom-Suid

KATEGESE

Al die werk en ons roosters is op ons webwerf onder katkisasie gelaai. U kan dit aflaai by

<http://bit.ly/2KhypYe>

Laerskool-klasse vind Sondae na die ereadiens by die kerk plaas.

Die Voor-belydenisklas vind Sondae 'n kwartier na die ereadiens ook by die kerk plaas. Ons het vir die jaar daarmee afgesluit. Nuwe werk word binnekort opgelaai.

Ons Belydenisklas en ook volwasse kategese klasse vind Maandae-middae plaas. Reëlings met die groepe sal steeds deur WhatsApp via ons kerkgroep deurgegee word. Ook afgesluit vir die jaar.

KERKKANTOOR

Ons is opsoek na ou koerante by die kerkkantoor.

DORKAS- SUSTERS

Huis Jan Vorster-mandjie – Toiletware vir ons inwoners in HJV kan in die groen mandjie voor in die portaal geplaas word. Hulle ondervind die laaste tyd veral 'n tekort aan **doeke, Prep en aqueous room**. Die inwoners het ook hulle hartlike dank uitgespreek vir dit wat alreeds geskenk is.

BYBELSTUDIE

Bybelstudie Maandae 19h00 Aandgroep

Bybelstudie Dinsdae 10h00: Oggendgroep

Vir die jaar afgesluit.

Ons gaan DV volgende jaar voort met die reeks rondom die gebede uit God se Woord.

DOPPER KOMBUIS

Kom kuier gesellig saam in ons tee-drink lokaal na die ereadiens.

GEMEENTEKAMP

Merk die datum: 3 tot 5 April 2020

OMGEWINGSPITKOS – Dr. Peet van der Walt

Na 'n dosyn se uitstippeling van geloofs- en gevoelsoortuigings om ons ingesteldheid jeens ons huishouding op aarde se welsyn te rig, is dit gepas om die praktyk ook aan te spreek.

Omgewingsprobleme is immers nie akademies van aard nie, maar werklikhede waarvoor geen politieke goëltoertjie sal help nie. Dit is meestal die gevolg van 'n lange mishandeling van 'n uiters komplekse sisteem deur die mens soos die misbruik van waterbronne en natuurlewe.

Tans weet ons oorgenoeg om die gevolge van wanbestuur van ons natuurlike hulpbronne met kennis van tydelike dinge om te keer. Die probleem lê by die doen daarvan in 'n multi-kulturele land met verskillende waardestelsels en die omgewing 'n lae prioriteit geniet.

Wat is die mens dat U aan hom dink (Ps 8 : 5).

KALENDER (JAARBEPANNING) IN ELEKTRONIESE FORMAAT

As u graag u dagboek in elektroniese formaat op u selfoon wil plaas kan u op ons webwerf die toepassing en beplanning aflaai wat dit deur *Microsoft Outlook* vir u moontlik maak. Die inligting is gestoor op die Tuisblad onder die lêertjie [pmg_calendar.ics](http://bit.ly/2D0uRqf)

DANKOFFERS

U kan die Bybelse beginsels en dit wat 'n prinsipiële uiteensetting van die opdrag tot 'n dankbaarheidslewe en dit wat ons dankoffers moet wees, van ons webwerf aflaai. U kan dit aflaai by

<http://bit.ly/2D0uRqf>

Laat ons asseblief met die nodige erns wat ons voor die Here hiermee moet werk dan wel hieraan aandag gee. Al is ons in bitter swaar tye met 'n droogte ongekend en ekonomiese werklikhede so negatief as kan kom moet ons dankbaarheid voor die Here altyd eerste staan.

HUISBESOEK DEUR DIE PREDIKANT

In Desember wil die predikant graag op wyk 6 konsentreer met huisbesoeke. Hy sal u kontak om afspraak vas te maak. As enigiemand uit van die ander wyke wel behoefte het dat hy vroeër by u moet uitkom, moet asseblief nie aarsel om hom te kontak nie.

HUISBESOEKE DEUR DIE OUDERLINGE

VERGADERINGS:

Volgende kerkraadsvergadering vind DV 19 Februarie 2020 plaas.

Verslag van die Finansiële Kommissie

Van die kommissie se kant af wil ons u graag bedank vir u bydraes en ons doen 'n beroep op lidmate om so vol te hou. U is welkom om met enige lid van die finansiële kommissie te skakel indien u navrae het.

KERKLIKE GEGEWENS

Gereformeerde Kerk Postmasburg

Posbus 74 Postmasburg

E-pos: admin@gksa-postmasburg.co.za

Tel: 053 313 3710

Landlyn Pastorie: Tel: 053 313 0571

Kerkkantoor ure: Maandae tot Vrydae 09h00 - 13h00

Predikant	Dr. Petrus Venter	084 704 2348	ds@gksa-postmasburg.co.za
Skriba	Oudl. Albertus Viljoen	082 808 4168	skriba@gksa-postmasburg.co.za
Admin Beampte	Sr. Koos Fick	082 821 2736	admin@gksa-postmasburg.co.za
Voorsitter: Diakonie	Diak.Dawie Schoeman	082 782 2537	dawie@xmedia.co.za
Koster			
Orrelis			
Kassiere	Oudl. Lukas Potgieter	079 695 0555	lukaskathu@gmail.com

Ons gemeente se webwerf en facebook-blad is soos volg:

<http://www.gkpostmasburg.weebly.com>

<http://bit.ly/2Ydk7wK>

STATISTIEKE VORIGE SONDAG

Erediens bywoning	
Bydrae: Bediening vir Postmasburg	R 556-00
Bydrae: Diens van Barmhartigheid	R 821-00

GEREFORMEERDE KERK BANKBESONDERHEDE – ALLE REKENINGE BY ABSA

Rekening	Rekeningnommer
Alle bydraes (Dankoffers)	2130-3400-35
Diakonie	2130-28-0008
Dorkas-susters	407-382-6782
Kermisinbetalings	90-9779-4784
Steak-ete inbetalings	91-4771-8016

Berigte vir Blinkklippie moet asseblief teen **Woensdag 16h00** per e-pos gestuur word na admin@gksa-postmasburg.co.za